

Забидий / ВАҲИЙНИНГ БОШЛАНИШИ КИТОБИ / 944-ҳадис

944/1983 - عَنْ عِمْرَانَ بْنِ حُصَيْنٍ رَضِيَ اللَّهُ عَنْهُمَا، سَأَلَ النَّبِيَّ صَلَّى اللَّهُ عَلَيْهِ وَسَلَّمَ رَجُلًا:
فَقَالَ: «يَا أَبَا فُلَانٍ، أَمَا صُمْتَ سَرَرَ هَذَا الشَّهْرِ؟» قَالَ الرَّجُلُ: لَا يَا رَسُولَ اللَّهِ: قَالَ: «فَإِذَا أَفْطَرْتَ
فَصُمْ يَوْمَيْنِ». وَفِي رِوَايَةٍ قَالَ: «مِنْ سَرَرَ شَعْبَانَ».

944.1983. Имрон ибн Хусойн розияллоху анхумодан ривоят қилинади:

«Набий соллаллоху алайҳи васаллам ундан сўрабдилар [ёки бошқа бир кишидан сўраганлар-у, Имрон буни эшитган]: **«Эй Абу Фалон, бу ойнинг сўнгида рўза тутмадингми?»**. - (Ровий Абу Нуъмон:) Менимча, у «Рамазоннинг», деган.* - Ҳалиги киши: «Йўқ, эй Аллоҳнинг Расули», деди. У зот: **«Бўлмаса, оғиз очиқ бўлганингда икки кун рўза тутиб бер»**, дедилар».

Солт: «Менимча, у «Рамазоннинг» демаган.*

Абу Абдуллоҳ айтади: «Собит Муторрифдан, у Имрондан ривоят қиладики, Набий соллаллоху алайҳи васаллам: **«Шаъбоннинг сўнгида»**, деганлар».

* Тадқиқотчиларнинг таъкидлашларича, бу ибора Бухорийнинг шайхи Абу Нуъмонга тегишлидир. Яна улар айтишадик, агар бу ерда «бу воқеа Рамазонда бўлган эди», деган маъно назарда тутилган бўлса, гап тўғри бўлади. Аммо у «Расулуллоҳ соллаллоху алайҳи васаллам «бу ой» деганда Рамазонни назарда тутган бўлсалар керак», демоқчи бўлган бўлса, у ҳолда бу ерда Абу Нуъмон бироз янглишган ҳисобланади.

* Солт ҳам, Абу Нуъмон ҳам Бухорийнинг шайхларидан бўлиб, улар ушбу ҳадиснинг мазкур қисмини фарқли айтиб берган эканлар. Бадриддин Айнийнинг таъкидлашича, Солтнинг нақли тўғрироқдир.



HADIS.ISLOM.UZ
NUBUVVAT MARVARIDLARI